

LAS SCHIBETTAS

da P.

DREDG – MC CARTNEY – KAIZERS ORCHESTRA



DREDG

«CATCH WITHOUT ARMS»

Ils soundfreaks DREDG da los gatos/california han finalmain edì il successur sin lur mega album «el cielo» – ina schiba che nus sa vain preschentà avant trais onns sin questas paginas. E puspè ina gia èn il chantadur Gavin Hayes e sia band stads abels da producir in album monumental, epocal, grond, anc blier pli grond, monstrus, musica da rock progressiva dad ina band che sa co che instruments vegnan sunads virtuus! Dentant na croda «catch without arms» betg en la categoria «musica per musicists»! Quest album ha la qualitad popiga da U2, la progressivitat da TOOL, la sfera dad AMPLIFIER, cumpiglia ils megliers muments da la musica da rock dals vargai 40onns! In album uschi grond sco ils Rocky Mountains, uschi profund sco il Grand Canyon e uschi individual sco la gazetta giuvna Punts...



DREDG, SAN JOSE CA

PAUL MC CARTNEY

«CHAOS AND CREATION IN THE BACKYARD»

Dieu'ns pertgira! Sir Paul è tut auter che mes Beatle preferì! Atgnamain è el adina stà in zic quel tip laischen dals fab4... Dentant è Sir Paul era stà il respunsabel per massa bunas chanzuns dals Beatles; en colavuraziun cun John Lennon ha Paul Mc Cartney creà la musica da pop, revoluziunà la scena! Cun 63 onns è quest Beatle puspè ina gia stà en il studio, ha engaschà in giuven producent e vegn cun in album che metta mes maini sin il chau! Atgnamain na poss jau davair betg ferdar Mc Cartney, jau survegn utschels sch'jau al audel a chantar chanzuns dals Beatles!!!! E tuttina, ses nov album fiss il proxim album dals Beatles! Tgi sa, forse ha Sir Paul enflà sut il teppi en il tschaler d'emproma dals Beatles las chanzuns sparidas...?

Paul McCartney



KAIZERS ORCHESTRA

«MAESTRO»

L'orchester caotic giu dal nord ha satrà la curuna da la principessa norvegese, piazzà in schingia sin il trun dal prinzi, chatschà en il desert la monarchia! Ils KAIZERS da Bergen en Norvegia tartognan il punk cun polca, ruineschan il rock cun musica populara, violeschan la musica da pop cun massa canera! Il nov album «maestro» preschenta quest sextet uschi atras e gaga sco mai avant, musica norvegese ch'è buna per il overkill dà tut quai che vegn ritschì da la scena englesa ed americana! Sch'i dà quels dis ina band ch'è davair unica, schi èn quai KAIZERS ORCHESTRA! Nagut per fans da DJ Bobo, nagut per fans da Bon Jovi, e nagut per fans da Peter Zinsli – qua vegn pretendì ina gronda toleranza, preschenta ina schregira mischaida – scheisse! È quest album geil!

